



Feto Timoroan primeiru sai kondutora iha ONU



» UNDP Photo/ Renato Da Costa

duni atu kompete ho mane-sira iha era globalizasaun ne'e.

Direitora Programa Dezenvolvimentu Nasoins Unidas (PDNU) Timor-Leste, Mikiko Tanaka apresia ho Ligia ninia susesu ne'e, sempre iha matadalan ne'ebé loke prespetiva foun ba progresu mundu nian.

ida ba ninia moris no ba ninia papél nu'udar inan hosi oan-mane ida no oan-feto tolu.

Ligia, hetan situasaun ne'ebé difisil, maske nune'e nia fiar an nafatin katak nia bele hetan alternativa ida hodi sustenta nia an rasik. Haree katak laiha dezenvolvimentu ekonómiku iha periedu hafoin tiha krize 2005 no 2006 Ligia hahú ninia knaar simples iha ofisina karpinteuru ida iha Bidau, Lecidere, ne'ebé baibain fó servisu ba mane na'in lima de'it. Sente katak servisu ida ne'e labele haraik benefisiu finansiál ne'ebé sufisiente, nia deside tiha hodi buka servisu ida, ne'ebé bele uza ninia kapasidade hanesan kondutora. Maske nia hanete hela katak tipu servisu ida-ne'e baibain mane-sira maka halo. Maske nune'e Ligia hatama ninia rekerementu ba iha PDNU.

Relasiona ho ninia esperiénsia ne'e, Ligia sertamente sai hanesan kandidatu ne'ebé adekuadu ba kargu nu'udar kondutora, tanba razaun ne'e mak nia selesiona tiha hosi PDNU.

"Ha'u aprende atu sai kondutora ne'e hosi ha'u-nia aman iha tinan 1984." Ligia hateten lia hirak-ne'e iha loron dahuluk nia servisu iha PDNU. Ligia nu'udar kondutora ida ho seksu femininu, konsidera katak tenkeser iha oportunidade ba rua ne'e hotu, mane no feto-sira ba hala'o servisu ida ne'e. "Tanbasá mak feto-sira labele sai kondutor? Ligia husu, hanesan resposta ba comunidade sira-nia ko'alia katak laiha possibilidade ba feto-sira hodi hala'o servisu mane-sira nian.

Ligia ninia hahusuk hirak ne'e iha liña oin hosi diskusaun sosiidade sira relasiona ho feto-sira iha prosesu dezenvolvimentu. Komunitade sira-ninia kompriensaun kona-ba papél feto nian maka sira prezisa atu obdese ba mane-sira, no servisu feto-sira nian mak atu hela iha uma, kuidadu labarik-sira no halo servisu uma nian. Kultura ida ne'ebé hatún tiha ona hosi jerasaun ba jerasaun.

Ligia hateten katak obstaklu boot liu ne'ebé nia hasoru mak ninia kompriensaun ba lingua Inglés, nu'udar lingua ofisial iha instituisaun Nasoins Unidas nian. "Laiha ema ida mak moris prefeitu, nein feto nein mane. buat hotu-hotu hetan liuhosi prosesu aprendizajen ida. Maske ha'u mós la prefeitu ida, ha'u sente katak ha'u bele aprende lingua ne'e." Ligia hateten.

Ligia ninia auto konfiansa hanesan ezemplu pozitivu ida ba feto-sira seluk, katak sira bele halo buat ruma ne'ebé sira hakarak, karik sira fiar sira-nia an no buka atu aprende buat ruma ne'ebé sira seidauk hatene.

Ligia Tavares Correia, ne'ebé ho tinan 39, hosi distritu Ermera. Iha ninia tempu livre nia partisipa iha vida normal comunidade nian, no tulun ninia oan-mane boot ne'ebé hala'o negosiu ki'ikoan familia nian, forneselementu ai-teka nian, ne'ebé nia hahú tiha ona antes nia atu servisu hanesan kondutora ba PDNU.

Nu'udar feto primeiru ne'ebé sai kondutora ba ajénsia boot ne'e, Ligia Tavares Correia espera katak nia sei bele aprende buat foun iha ninia vida servisu loroloron nian.

"Ha'u senti kontenti no orgullu tebes bainhira ha'u hetan responsabilidade atu sai kondutora iha instituisaun boot hanesan ne'e. Buat ne'e nunka akontese iha ha'u-nia vida. Maske ha'u hatene katak ha'u mak feto ne'ebé úniku oras ne'e sai kondutora maibé ida ne'e sei la impata ha'u-nia espíritu atu didika ha'u-nia an ba servisu ne'e". Ideia kona-ba feto-sira hanesan grupu ida ne'ebé sub-valorizadu iha comunidade realmente enkoraja Ligia atu sai hanesan kondutora.

"Ha'u hatene katak ema barak sei ko'alia kona-ba faktu tanbasá maka ha'u hakarak sai hanesan kondutora. Tanba ne'e mak ha'u mós hakarak atu dehan katak kualker papél saida de'it, feto-sira mós kompetente no bele

Ligia hanesan matadalan ba Nasoins Unidas no ba sosiedade tomak Timor-Leste nian, hodi loke área empregu ida-ne'e, ne'ebé dala barak ema konsidera katak iha de'it possibilidade ba mane-sira. Jestaun PDNU nian no kolega kondutor mane-sira sei servisu hamutuk ho nia hodi kria ezemplu no feto-sira seluk hatene-tuir iha futuru hodi bele tama iha profisaun ida-ne'e."

Ligia hakarak atu enkoraja ninia feto maluk sira hodi fiar sira-nia an rasik no hodi asume funsaun hirak ne'ebé atualmente domina hosi mane-sira. Nia foti passu boot ida ba dezenvolvimentu no partisipasaun feto-sira nian iha Timor-Leste, maske ninia papél ne'e nu'udar kondutora de'it.

Iha tinan 2002, Ligia haknaar an iha Unidade Polísia Tránsito nian iha Dili. Maibé liu tinan ida de'it nian labele atu kontinua ninia kargu ne'e tanba motivu hirak familiar nian. Desizaun ne'e hetan impaktu signifikativu

Udan boot kauza inundasaun lubun ida iha distritu lima

ONU apoiu transporte hodi entrega ajudu sira



» UNMIT Photo/Martine Perret

Udan boot foin lalais ne'e iha inisiu fulan-Agostu, kauza tiha bee-sa'e iha distritu lima. Ekipa ida hosi Sentru Operasaun Nasionál ba Dezastre (SOND), governu nian, haruka tiha ona ba iha distritu Manufahi, Ainaru, Vikeke, Covalima no Manatutu hodi halo avaliasaun ba estragus sira. IOM fronese trasportar rodaviáriu ba ekipa governu nian ne'e, atu bá iha área hirak ne'ebé labele asesu hosi estrada, UNMIT fornese apoiu aéreu nian atu bele to'o ba iha comunidade sira ne'ebé afetada.

Iha loron 9 fulan-Agostu, SOND remata tiha ona avaliasaun kompletu ba distritu hotu-hotu menusde distritu Covalima mak sei hala'o hela. Avaliasaun ne'e hatudu tiha estragus hirak ne'ebé boot ba infraestrutur no ba produsaun to'os nian no identifika ona hamutuk aldeia 30 mak afeta. Família na'in-1.044 mak afeta no uma 146 mak gravemente hetan estragus iha distritu Manufahi, Vikeke, Ainaru, no Manatutu. Asisténsia inisial balun hanesan foos no fronesementu emergénsia sira seluk haruka tiha ona ba familia sira ne'ebé afetada iha Natarbora, distritu Manatutu.



Polísia hamutuk ho comunidade hamoos sentru juventude



» UNMIT Photo/Bernardino Soares

Ofisiál polísia ONU nian no PNTL foin lalais ne'e hola parte iha limpeza ba Sentru Juventude Comoro nian. Sentru ne'e hanesan halimar-fatin no fasilidade edukasaun nian, ne'ebé uza tiha hanesan fatin ba soe-fo'er nian, animál no fakar fo'er hirak ne'ebé lapresiza.

Ofisiáls polísia hosi Unidade Polisiamentu Komunitariu no Umanitaria nian serbisu hamutuk ho Sentru ba Labarik no Juventude hodi hamoos fo'er. Membre comunidade sira seluk, inklui Sr. Edward Reinhardt, Diretor hosi Makikit Hardware,

Sr. Domingus Soriano, supervízor hosi Departementu Saneamentu Distritu Dili nian, mak apoiu esforsu hodi fornese kanuru suru-rai, ai-saar no kaixa lixu nian. Sr. Reinhardt mós apoiu servisu no materiais hodi troka parte sira iha didin-lolon nian no hadia odamatan-boot. Sr. Soriano organiza atu muda tiha fo'er hirak ne'e no halo planu hodi ra'ut-fo'er iha semana rua laran.

"Ne'e hanesan oportunidade di'ak ida ba ami atu bele koopera hamutuk ho ofisiáls polísia no comunidade sira hodi hamoos no kria kolaborasaun ida ne'e, no ami-nia futuru. Ha'u hein katak comunidade sira sei apresia no soe-fo'er ba iha kaixa lixu nian ne'ebé iha." Diretor Sentru ba Labarik no Juventude ne'e Sr. Guterres hatenen

Sarjentu Sonny Iosefo, xefe projetu ba projetu limpeza nian, hateten katak nia fiar "objetivu hosi limpeza ne'e la'os de'it ba comunidade maibé mós hodi servisu hamutuk ba objetivu komum ida no harii relasaun entre foin-sa'e, polísia no comunidade sira. Foin-sa'e sira mak futuru lideransa nasaun nian. Aprende sei sai fasil liu bainhira ambiente ne'e moos."

Tinan internasionál ba juventude

Timor-Leste iha populasaun ida ne'ebé mak joven liu iha mundu, metade hosi Timoroan hirak ne'e mak ho tinan 18. Ho kresementu populasaun no joven nian ne'e Timor-Leste tenke termina ona kona-ba saida mak papél juventude nian ne'ebé presiza atu dezempeña iha nasaun no prosesu konstrusaun estadu nian.

Nu'udar esforsu ida hodi aproveita enerjia, imajinasaun, no iniciativa hosi mundu juventude nian atu hakat liu dezafiu ne'ebé umanidade enfrenta, ONU proklama tiha ona Tinan Internasionál ba Juventude ne'ebé hahú iha loron 12 fulan-Agostu tinan 2010.

Iha seman oinmai Lia-Naroman sei apresenta eventu nasional sira hodi selebra Tinan Internasionál ba Juventude.



» UNMIT Photo/Antoninho Bernardino

Sistema foun passajen fronteira nian lasusar atu comunidade lokal sira halo viajen



» UNMIT Photo/Martine Perret

Musulmanu Timoroan hahú ramadan



» UNMIT Photo/Martine Perret

Fulan sagradu Ramadan ba Musulmanu sira hahú ona iha Kuarta-feira, loron 11 fulan-Agostu. Ramadan hanesan fulan ba jejún nian, ne'ebé Musulmanu sira sei hadera an atu la han ka hemu hosi dadeersaan rai-naroman to'o fali loro-monu.

Ramadan, hanesan símbolu ida ba perdaun, solidariedade no toleránsia, nu'udar fontes inspirasaun boot ida hodi moris hamutuk iha dame nia laran. Kultus ki'ikoan populasaun Musulmanu Timor-Leste nian ho mesquita neen ne'ebé lokaliza iha Dili, Likisá, Baukau, Lospalos no Manufahi.

Sistema foun ida ba passajen fronteira ne'ebé ninia intensaun atu fasilita prosedimentu viajen nian ba residente lokais, hala'o tiha ninia lansamentu iha loron ikus fulan-Jullu nian, entre Timor-Leste no Indonézia. Passajen hirak ne'ebé tama, validu ba loron 10 no bele hanaruk ba to'o loron 20, ne'ebé sei hadia di'ak liután ekonomia vila sira rai-ketan nian, fasilita sirkulasaun legais populasaun sira rai-ketan nian no atu hametin kooperasaun bilateral entre nasaun rua.

Mákina-Radiografia foun ajuda hapara kontrabandu ilegal nian

Mákina-Radiografia foun koloka tiha ona iha Batugade entre fronteira Timor-Leste no Indonézia nian. Ekipamentu ne'e fronese hosi Governu Japaun, ne'ebé permite atu funsiariu alfândega sira hodi deteta prezensa ba ekipamentu eletrónica ho valór ás iha karreta laran no evita reseitas fiskál nian ne'ebé lakon tanba tráfikú ilegal hosi sasan hirak-ne'e.



» UNMIT Photo/Cristovao Guterres

Tinan oin mai e k i p a m e n t u Radiografia ne'e sei instala iha Pasabe (Oecussi), Tunu-Bibi (Bobonaru) no Salele (Suai).



Rona Futuru Nabilan

Programa regular radio UNMIT kada Sábado oras 5:30 Lokraik no Domingo oras 6:00 kalan iha RTL no 15 radio comunidade sira

Hareeba pás

Programa regular TV UNMIT kada semana rua iha Segunda 7:30 kalan iha TVTL

La'os dokumentu ofisiál - ba informasaun de'it.